


Mayowano murware rwazambezi



✎ Imelda Lyamine, Albus Chunga Mulisa,
Maria Simasiku, Florence Habayemi
Shitaa ✎ Kleopas Jambenge
Ruthgela Shwanga 📄 4
😊 Mbukushu mhw



Global Storybooks


globalstorybooks.net

Mayowano murware rwazambezi


✎ Imelda Lyamine, Albus Chunga Mulisa,
Maria Simasiku, Florence Habayemi Shitaa ✎ Kleopas Jambenge
Ruthgela Shwanga 📄




This work is licensed under a Creative Commons
[Attribution-NonCommercial-ShareAlike 4.0
International License](https://creativecommons.org/licenses/by-nc-sa/4.0).
<https://creativecommons.org/licenses/by-nc-sa/4.0>




Dya karire diyuwa dyo ghughenyu
dyoShundaha. Hashengeteya ho muLusese ha
pongire muthitondo thothikuru thoMusikili
muCaprivi.




Mavunguvungu ghawo gho yishamberera gha
yuvékire mukunda ghoghuhéya. Hethire
hashere wagho. "Nakamwu, yowe
nakutateterera. "Tambukeko, Chaze. "Silumei
Wiye tei!"




Maria gha shanashanine Ntwala. Ntwala nga ha twaranga kurware kehe Shundaha ha ka yoghane. "Ntwala! Ntwalee! Ntwalaaa! Ntwaloo!" ghehire.




"Ene nawe," Chaze gha menyamenyine, mbadi nakushana Maria gha kukare kudimbo Shundaha gho kurandako. Nashana ka kutangawera nendi naye thivike thokurandako!




Ntwala gha kugherire kumutara ghumweya
gho mukunda, "Yame noi Yamwe
nakutaterera." Hashengeteya wahaya hatjirere
kweni.



Nyokwetu Sibungo gha ghambithire hanuke
wahaya. "Ntwala ghana ghayara thiwana
mahumbithero gho kumuroghera Maria.
Ghana pumura Chaze yoyishi ghana
yongaritha mutangu. Kenge keho ne mbad!
gha kukutangawera kuyogha karo."




“Muna kuroyithera mukuyenda kukuyowana dyarero?” Ntwala gha wepure. “Yii,” hahuthire noyishamberera ghu regharegha.





Nyokwetu Sibungo gha tegherere kwaMaria.
“Oyo ne mbadi ghuhunga Maria, yimango yokupumura hanu. Natumera koyi ghuna rombo mathiyerero. Nakuthiyerera.”
Nyokwetu Sibungo gha tongwere Ntwala,
“Gho mupiterithi gho muwa.”

Maria gha tongwere nyina Chaze, "Napumura
Chaze yoyishi ghana wini mutangu.
Munithiyerepo. Chaze ne muyendhange,
yimango eyi na mupumura."




Mundhira dhawo dho kurware Ntwala gha
wathimwetwedhire yithimwa.
"Tuthimwetwedhe yo kuhatera kumukunda
wetu apa wa handjere," ha ghambire.
"Tuthimwetwedhe yo kuhatera kwaMbawawa
naNguya."







Kumbombwa dho rware kwa karire
Ghumurwa gho ghukuru thikuma.
Hashengeteya hashanine murwa dho dhikuru
thikuma dhaNtwala.




“Nakuthiyerera,” gha ghambire Chaze no gha
turire moko ghendi ghundhondhera Maria.
“Name naMaria ne nanyi tuyende noye, gha
ghambire Ntwala kwaChaze. “Maria nanyi gha
karombe mathiyerero kwa nyoko nako.”




“Nawana dyodikuru,” gha kuyerire Joy. Gha
tapire dimurwa dyendi kwaNtwala.




Ntwala gha ghambire, “Nakughayara eshi
Maria ne gha kuvumwe kuyowana Shundaha
gho kurandako.” Maria gha dirire shemwa.
“Ni... Ni... Nithiyererepo Chaze. Dishesha
nakupumura. Mbadi na kupura karo munu,”
gha rombire.




“Muyende mukayowane,” gha ghambire Ntwala ko hashengeteya. Waheya hatjirere mumeyu, hakugherire ghu tutuma kughutenda gho meyu gho murware rwaZambezi.




“Maria rombe mathigherero,” gha ghambire Namasiku. “Chaze naye gha muhuthe, gha ghambire Joy. “Ca, mbadi ghuhunga kukupumaghura,” gha ghambire Ntwala.




Ntuala ghemanine kumbombwa. Gha
kaverere ngeshi kodhidi ngandu. Gha rorere
hashengeteya hohakuru hakuutangawera
kuyowana no kuvera. Gha rorere
hakamadighana ha kukuhonga kuyowana
ghutjakaghura meyu.




Ntuala ghepure hashengeteya wahaya
hatende dikandero ghuhungumana. "Ngepi
gha tutongwere mukuru gho shure?" ghepure.
"Kurwa ne kumango. Hanu hokurwa ne
hakona kuwana mahumbithero;" gha
ghambire Nakamwu.




“Ruvedhe ro mutangu,” gha kugherire paghuhura. “Mwimane mumuyira.” Gha shimbire dimurwa dyodikuru no kudivukuma murware.




“Maria! Yinje ghuna pumwera Chaze?” ghepure Ntwala. Ghana wini mutangu gho kuyomana. Mbadi ghuwa kenge,” Maria gha ghambirere.




“Fotji, wadi, hatu. MUYENDE!” ghehire.
Hanuke hatjirere mumeyu ghuyogha
kudimurwa. Ntwala gha wa rorere.




Maria gha karire mumughongo wa Chaze no
gha muthindekire pamuve.Chaze gha tangire
kudira.” Nanyi gha ka kupume nyina Chaze,
gha gambire Joy kwaMaria.




“Yame gho kutangerera!” gha kughere Maria naCaze paruvédhe rofotji. “Mwaheya yamwe ghokutangerera,” gha ghambire Ntwala.




Hanuke hayendire kudimbo naNtwala.
“Tuthimwetwedhe thithimwa, Ntwala,” ha rombire. Awo ha hakire kutegherera yithimwa yendi.




“Nashana kukutangawera karo,” gha
ghambire Maria. “Ewa!” gha ghambire Chaze.
“Kukona ndi Ntwala?” hepura hashengeteya
hamweya.



“Yame gho kutangereira!” gha kugherire
Chaze. Maria gha shayekire kuyogha. “Chaze
yodiye muwini,” gha ghambire Ntwala. Ghuna
rughana thiwana, Chaze. Mutuyende keho
kudighumbo.”



“Mwimane karo mumuyira,” gha wa tongwere Ntwala. Gha shimbire dimurwa no kudivukumena kukayenda thikuma.



“Fotji, wadi, hatu. MUYENDE!” gha kugherire. Hanuke hatjirere murware ghuyogha kudimurwa. Ntwala gha wa rorere.